

Motie no. 4
Fractie - PPA-MEP
OV # 25 d.d. 20 aug 2025
m.b.t OLV# 1031

MOCION

STATEN VAN ARUBA

Ingek: 20 AUG 2025

Volgnr: IS/1101/24-25

di Miembro di Parlamento sr. Otmar Oduber pa fraccion di PPA

Parlamento di Aruba, den reunion publico no. 25, dia 20 augustus 2025, tocante aprobacion di presupuesto supletorio 2025 di e ministerionan di pais Aruba,

Considerando cu:

- E centronan di bario tin un rol esencial den formacion y desaroyo di e comunidad di Aruba;
- E centronan di bario ta fungi como un luga pa e comunidad topa cu otro y ta stimula construccion di un comunidad, educacion, desaroyo social y participacion di muchanan, hobennan, adultonan y adultonan mayor;
- E infraestructura di e centronan di bario mester di mas atencion pa por tene mas actividadnan na beneficio di e comunidad;
- E centronan di bario ta haya subsidio limita di CEDE Aruba cu no ta yega pa logra organisa mas actividad pa e muchanan, hobennan, adultonan y adultonan mayor cu ta bishita e centronan di bario.

Ta dicidi pa urgi gobierno di Aruba:

- Pa denter di 6 luna haci un investigacion hunto cu e centronan di bario pa aumenta subsidio structural y stipula un subsidio anual basico realistico;
- Pa denter di 9 luna stipula un fondo di motivacion pa e dirigentenan y un fondo di inversion pa profesionalisacion di e dirigentenan, coordinadonan y voluntarionan;
- Pa denter di 9 luna desaroya un plan multianual, hunto cu e centronan di bario basa riba nan necesidad, pa mantencion y renobacion di e infraestructura;
- Pa percura pa aloca extra subsidio pa programanan cu meta specifico dirigi riba e muchanan, hobennan, adultonan y adultonan mayor;
- Pa denter di 6 luna evalua e eficiencia di e sistema di subsidio via CEDE Aruba y si e subsidio ta suficiente pa por logra e metanan di desaroyo optimal di e comunidad;
- Pa sigui cu e combersacionnan cu e centronan di bario y evalua e posibilidad pa exoneracion riba diferente permiso (vergunning) y asina logra baha e gastonan di e centronan di bario;
- Pa denter di e cuadro di maneho di ministerio di asuntonan social crea un sistema di monitor y evaluacion riba e eficiencia di e subsidio cu envolvimento y participacion di e comunidad.

Y ta pasa pa orden di dia.

